

Sunday, June 8, 2025

Time - 2:30pm - 2:35pm

AWARD

India Meteorological Department (IMD) a meteorology Director general Dr. Mrutyunjay Mohapatra chuan 'United Nations Sasakawa Award 2025 for Disaster Risk Reduction' chawimawina sang a dawn thu Mizoram State Meteorological Centre, IMD-a director Pu Sudheer Kumar Dwivedi chuan Akashvani Aizawl a hrilh.

Pu Sudheer Kumar Dwivedi chuan he chawimawina hi ram pum tana chhuanawm a nih bakah khuarel chhياتna lo thleng tur inhrilh lawkna leh chhياتna lo thleng tur atana lo inpuahchah lawkna kawnga India ram hma a sawn nasatzia chiang taka tarlangtu a nih thu a sawi. Kum 1986-a Nippon Foundation sum thawh hmanga siam tan UN Sasakawa Award hi khawvel pum huapa chhياتna thleng tur inven lawkna atana thawh hlawkte chawimawina a ni a. Chhياتna laka invenna atana thawk tha mimal leh pawl hrang hrang hnena hlan thin a ni. He chawimawina sang dawngtu Dr. Mrutyunjay Mohapatra hi “Cyclone Man of India” ti hial a hriat lar a nih thu Pu Dwivedi chuan a sawi a ni.



SHC

Nimin khân Sinlung Hills Council(SHC) huam chhûng khaw 31 tân Sakawrdai SHC Office, Tourist Lodge tualah Kuhva Tiak semna hun hman a ni.

SHC Ariculture changtu executive member Pu Lalhriatchhunga Hmar chuan SHC area chhûnga kuhva chîngtute chu, thuneitute'n kuhva tiak an sem mek chu an sem chhan leh rilrute hriatthiampuia, tih tak takna nena enkawl turin a ngen nghal bawk a ni. SHC CEM Pu Ricky Lalremsanga chuan, SHC chuan sum leh paiah harsatna nasa tak a tawk mêk ni a sawiin chuti chung chuan Hmar mipuite chu retheihna leh harsatna aţanga khaichhuah ngei an tum niin a sawi a. Chuvangin sum harsatna karah sum tam tak sengin kuhva tiak hi mipui hnenah party nihna sawi lovin an sem niin a sawi a ni.

SHC hotute hian Sinlung huam chhung Bial 12 chhûnga khaw 31 tân kuhva tiak 45,000 an sem chhuak a ni.



DRUG AWARENESS

Nimin khan Excise & Narcotics Department (END) Mamit leh Lungsir Kohhran Social Front tawngkawpin Kohhran Sunday School Hall-ah Ruihhlo Do Awareness Campaign an buatsaih.

Ruihhlo that lohzia inzirtirna hun hi chawhma leh chawhnu hunah then niin, Excise sub inspector Pu Jason Lalrinchhana chuan zirtirna a pe a. Ruihhlo that lohna leh a nghawng that loh dan chungchang sawiin, ruihhlo ti lo tur a intiam naupang 160 te hnenah certificate leh pen pek theuh an ni. Asst. Commissioner, Mamit district excise & narcotics Pu Lalsangzuala Ralte chuan ram leh hnam hmelma ruihhlo dona kawngah Kohhran te'n ke an pen zel chu lawmawm an tih thu sawiin, Kohhrante nen ţangruala an thawh ho chuan ram hmelma ruihhlo hi an do hneh ngei a beisei thu a sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar puan leh a ni ang.



BANGLADESHIS

Delhi Police-te chuan kum eng emaw zat chhung dan lova ram chhunga cheng Bangladesh mi 66-te chu manin an hreng. Police-te chuan, mi mante hi Delhi hmarchhak lama awm an nih thu leh, document lem hmanga hmanga India rama rawn lut an nih thu leh Bangladesh-a thawm kir an nih theih na’n hmalak mek an nih thu an sawi.

Police-te hi Foreigners Regional Registration Office (FRRO) nen thawk hovin, heng ramdangmite hi endik leh enfiah hna kalpui a ni a. An vai hian dan lo a ram chhunga lut vek an ni a, visa leh immigration dante bawhchhia a India rama khawsa an ni. FRRO hian an ram atanga hnawhchhuah na’n hma an la mek tih Police-te chuan an sawi a ni.

